



UNIVERSITÄTS-
BIBLIOTHEK
PADERBORN

**De Rebus Iaponicis, Indicis, Et Pervanis Epistolæ
Recentiores**

Hay, John

Antverpiae, 1605

Ad Hanc Orationem Ab Antonio Bvccapadvlio, Svmmi Pontificis Nomine, in
hæc verba responsum est.

[urn:nbn:de:hbz:466:1-61204](https://nbn-resolving.org/urn:nbn:de:hbz:466:1-61204)

Iescentiuna seminaria, maxima tua impensa, institui iuberis, quorum postea prædicatione, cum litteris ac pietate satis essent ex-culti, nihil omnino superesset, quod, expulsa superstitione, ad Christi fidem ac religionem non accederet. Pro qua tam eximia tamque incredibili beneficentia, ex singulari propagandæ fidei amore profecta, eo magis tum suo tum publico suæ gentis nomine tibi gratias agendas esse immortales Legati censuerunt, quod eodem illo anno à te Romæ designatam esse audiunt, quo Principes illi ac Reges nobilissimi hanc ipsam ad te legationem in Iapone decernebant, ut non illi citius de obedientia tibi præstanda, ut filii, quam tu de illorum commodis ac salute, ut parens beneficentissimus, cogitaris. Quo magis etiam sperandum esse putant, qui sua sponte usque adeo commoti tanto hæcenus studio ad fidem accurrebant, eos tuæ beneficentiæ stimulis incitatos, nouis præsertim militum copiis ex illis seminariis in dies succrescentibus, maiore in posterum numero & studio ardentiore ad fidem esse venturos. Ita breui futurum est, Pater Beatissime, ut Deo Optimo Maximo Sanctitatis tuæ votis, & minimæ Societatis nostræ laboribus fauente, non iam paucas Iaponis vrbes, non regna pauca, (quæ tibi hodierna die quasi quosdam fecundissimi agri primitias offerimus) sed plura alia, quibus amplissima illa regio distincta est, & tantam hominum multitudinem, quæ numero facile comprehendi nequeat, ad Christi fidem audias accessisse.

AD HANC ORATIONEM AB
ANTONIO BVCCAPADVLIO,
SVMMI PONTIFICIS NOMINE,
in hæc verba responsum est.



Ic me vestræ orationi iubet respondere Sanctissimus Dominus noster, iuuenes nobilissimi, Quod Franciscus Bungi Rex, & Protasius Arimanorum, Protasique patruus Bartolomæus Omuræ Princeps, ab Iaponiorum insulis remotissimis vos suos propinquos huc ad se miserint, eius quam obtinet Dei benignitate potestatis coràm venerandæ causa, piè illos sapienterque fecisse. Esse enim vnam fidem, vnam Ecclesiam Catholicam,

E c s

vnum

unum huic ipsi Ecclesie praefectum, Christi que gregis uniuersi, hoc est Catholicorum omnium, qui ubique terrarum sunt, Petri successione pastorem, Romanum Pontificem. Hoc illos una cum ceteris fidei orthodoxae mysteriis agnoscere & profiteri letatur, immortalisque agit gratias diuinæ bonitati Sanctissimus Dominus noster, iudicatque hanc esse letitiam verissimam, à Dei gloria atque animarum salutis studio profectam. Itaque libentissimè una cum his Venerabilibus fratribus suis, sanctæ Romanæ Ecclesie Cardinalibus, hanc illorum fidei, obedientiæ, deuotionis testificationem amplectitur. Optat atque orat, ut illorum exemplo, ceteri quoque illarum Insularum, totiusque orbis Reges & Principes, omni idolorum cultu atque errore abjecto, cognoscant Deum verum & quem ille misit Iesum Christum: hæc enim vita æterna.

Hisce peractis consistorium dimissum, Legati cum Summum Pontificem in aedes interiores de more deduxissent, ab Illustr. Cardinale S. Sixti (fratris filio Summi Pontificis) amicitiae & honoris causa conuiuio primò excepti, dein ad ipsius Pöt. Max. priuatum ac familiare colloquiū intromissi, multa cum eo de itinere ac de religione per interpretes contulerunt: inde ad S. Petri Basilicam adire; ac sacris Apostolorum liminibus piè salutatis, sub vesperam honorificè domum reducti sunt.

FINIS.